

## REGLUGERÐ

**um (2.) breytingu á reglugerð nr. 265/2010 um gildistöku reglugerðar framkvæmdastjórnarinnar (EB) nr. 1881/2006 um hámarksgildi fyrir tiltekin aðskotaefni í matvælum.**

1. gr.

*Innleiðing.*

Ákvæði sammingsins um Evrópska efnahagssvæðið sem vísað er til í XII. kafla II. viðauka skulu öðlast gildi með breytingum og viðbótum sem leiðir af II. viðauka, bókun 1 við samninginn og öðrum ákvæðum hans. Á grundvelli ákvörðunar sameiginlegu EES-nefndarinnar nr. 83/2010, frá 3. júlí 2010, öðlast eftirfarandi EB-gerð gildi hér á landi:

Reglugerð framkvæmdastjórnarinnar (EB) nr. 105/2010 um breytingu á reglugerð (EB) nr. 1881/2006 um hámarksgildi fyrir tiltekin aðskotaefni í matvælum að því er varðar okratoxín A.

2. gr.

*Fylgiskjal.*

Reglugerð framkvæmdastjórnarinnar skv. 1. gr. er birt sem fylgiskjal við reglugerð þessa.

3. gr.

*Eftirlit.*

Matvælastofnun og heilbrigðisnefndir sveitarfélaga undir yfirumsjón Matvælastofnunar fara með eftirlit með því að ákvæðum þessarar reglugerðar vegna matvælaeftirlits sé framfylgt í samræmi við 6. og 22. gr. laga nr. 93/1995 um matvæli.

4. gr.

*Þvingunarúrræði og viðurlög.*

Um brot gegn reglugerð þessari fer samkvæmt 30. gr., 30. gr. a – 30. gr. e og 31. gr. laga nr. 93/1995 um matvæli.

5. gr.

*Lagastoð.*

Reglugerð þessi er sett samkvæmt heimild í 31. gr. a laga nr. 93/1995 um matvæli.

6. gr.

*Gildistaka.*

Reglugerðin tekur þegar gildi. Þó taka efnisákvæði reglugerðar framkvæmdastjórnarinnar skv. 1. gr. ekki til frumframleiðslu á kjöti, mjólk og eggjum fyrr en 1. nóvember 2011. Um hugtakið „frumframleiðslu“ gildir skilgreining 4. gr. laga nr. 93/1995 um matvæli.

*Sjávarútvegs- og landbúnaðarráðuneytinu, 7. september 2010.*

**Jón Bjarnason.**

*Baldur P. Erlingsson.*

**Fylgiskjal.****REGLUGERÐ FRAMKVÆMDASTJÓRNARINNAR (ESB) nr. 105/2010**

frá 5. febrúar 2010

**um breytingu á reglugerð (EB) nr. 1881/2006 um hámarksgildi fyrir tiltekin aðskotaefni í matvælum að því er varðar okratóxín A**

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópu-sambandsins,

með hliðsjón af reglugerð ráðsins (EBE) nr. 315/93 frá 8. febrúar 1993 um málsmeðferð fyrir Bandalagið vegna mengunarefna í matvælum <sup>(1)</sup>, einkum 3. mgr. 2. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (EB) nr. 1881/2006 <sup>(2)</sup> eru sett ákvæði um hámarksgildi tiltekinna aðskotaefna (áður mengunarefni) í matvælum.
- 2) Sérfræðinganefnd Matvælaöryggisstofnunar Evrópu um aðskotaefni í matvælaferlinu samþykkti 4. apríl 2006, að beiðni framkvæmdastjórnarinnar, uppfært vísindalegt álit í tengslum við okratóxín A í matvælum <sup>(3)</sup> þar sem tekið er tillit til nýrra vísindalegra upplýsinga og ákvarðaði þolanlegan vikuskammt (TWI) sem nemur 120 ng/kg líkamsþyngdar.
- 3) Í reglugerð (EB) nr. 1881/2006 er gert ráð fyrir því, í ljósi nýlegs vísindalegs álits Matvælaöryggisstofnunar Evrópu, að meta þurfi hversu víðeigandi það er að ákvarða hámarksgildi okratóxíns A í matvælum, s.s. þurrkuðum aldinum, öðrum en þurrkuðum vínberjum, kakói og kakóafurðum, kryddi, kjötafurðum, grænu kaffi, bjór og lakkris, svo og að endurskoða núverandi hámarksgildi, einkum að því er varðar okratóxín A í þurrkuðum vínberjum og þrúgusafa.
- 4) Á grundvelli álits sem Matvælaöryggisstofnun Evrópu samþykkti virðast núverandi hámarksgildi hæfileg til að vernda lýðheilsu og þeim verður að halda. Að því er varðar matvæli sem falla ekki enn undir reglugerð (EB) nr. 1881/2006 var talið nauðsynlegt og rétt, í því skyni að vernda lýðheilsu, að fastsetja hámarksgildi fyrir okratóxín A í þeim matvælum sem stuðla verulega að váhrifum af völdum okratóxíns A (að því er varðar íbúa í heild eða viðkvæma hópa íbúa eða marktækan hóp íbúa)

eða í þeim matvælum sem stuðla ekki endilega verulega að váhrifum af völdum okratóxíns A en sýna má fram á að í þessum vörum sé unnt að finna mikið magn okratóxíns A. Rétt er að fastsetja hámarksgildi í þessum tilvikum til að komast hjá því að þessar vörur, sem innihalda mikið af aðskotaefnum, geti borist inn í matvælaferlið.

- 5) Á grundvelli þeirra upplýsinga sem liggja fyrir virðist ekki nauðsynlegt, í því skyni að vernda lýðheilsu, að fastsetja hámarksgildi fyrir okratóxín A í þurrkuðum aldinum öðrum en þurrkuðum vínberjum, kakói og kakóvörum, kjötafurðum, þ.m.t. ætum sláturmat og blóðafurðum og líkjörvínunum þar eð þessar vörur stuðla ekki verulega að váhrifum af völdum okratóxíns A og í þeim hefur sjaldan fundist mikið magn okratóxíns A. Ef um er að ræða grænt kaffi og bjór er magni okratóxíns A þegar stjórnað á öðru og hentugra stigi í framleiðsluferlinu (brennt kaffi og malt, eftir því sem við á).
- 6) Mjög mikið magn okratóxíns A hefur í fjölmörgum tilvikum greinst í kryddi og lakkris. Því er rétt að fastsetja hámarksgildi fyrir krydd og lakkris.
- 7) Nýleg gögn sýna að í nokkrum helstu krydd-framleiðslulöndum sem flytja út krydd til Evrópu-sambandsins eru hvorki fyrir hendi fyrirbyggjandi ráðstafanir né opinbert eftirlit til að hafa eftirlit með því hvort okratóxín A sé að finna í kryddi. Í því skyni að vernda lýðheilsu er rétt að fastsetja án tafar hámarksgildi fyrir okratóxín A í kryddi. Til þess að gera framleiðslulöndum kleift að koma á fyrirbyggjandi ráðstöfunum og til að raska ekki viðskiptum í óviðunandi mæli skal fastsetja, í takmarkaðan tíma, hærra hámarksgildi sem taka gildi með stuttum fyrirvara, áður en hámarksgildi sem endurspeglar þau gildi sem unnt er að ná með því að beita góðum starfsvenjum taka gildi. Áður en strangari hámarksgildi taka gildi er rétt að fram fari mat á því á mismunandi framleiðslusvæðum í heiminum hvort þessi gildi fyrir okratóxín A nást með því að beita góðum starfsvenjum.
- 8) Rétt er að halda áfram að fylgjast með magni okratóxíns A í matvælum sem hámarksgildi hafa ekki verið sett fyrir og í þeim tilvikum þar sem óvenjulega mikið magn okratóxíns A finnst reglulega gæti talist víðeigandi að setja hámarksgildi fyrir okratóxín A í þessum matvælum.
- 9) Því ber að breyta reglugerð (EB) nr. 1881/2006 til samræmis við það.
- 10) Ráðstafanir, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

<sup>(1)</sup> Stjótd. EB L 37, 13.2.1993, bls. 1.<sup>(2)</sup> Stjótd. ESB L 364, 20.12.2006, bls. 5.<sup>(3)</sup> [http://www.efsa.europa.eu/en/scdocs/doc/contam\\_op\\_ej365\\_ocratoxin\\_a\\_food\\_en.pdf](http://www.efsa.europa.eu/en/scdocs/doc/contam_op_ej365_ocratoxin_a_food_en.pdf).

## SAMÞYKKT REGLUGERÐ ÞESSA:

1. gr.

Viðaukanum við reglugerð (EB) nr. 1881/2006 er breytt sem hér segir:

## 1. Í stað liðar 2.2.11 komi eftirfarandi:

„2.2.11.	<b>Krydd</b> <i>Capsicum</i> spp. (þurrkuð aldin, heil eða möluð, þ.m.t. eldþipar (chilli), eldþiparduft, kajennþipar og paprika) <i>Piper</i> spp. (aldin, þ.m.t. hvítur og svartur þipar) <i>Myristica fragrans</i> (múskat) <i>Zingiber officinale</i> (engifer) <i>Curcuma longa</i> (gullinrót) Kryddblöndur sem innihalda eina eða fleiri framangreindra kryddtegunda	30 µg/kg frá og með 1.7.2010 til 30.6.2012 15 µg/kg frá og með 1.7.2012
2.2.12.	Lakkrís ( <i>Glycyrrhiza glabra</i> , <i>Glycyrrhiza inflata</i> og aðrar tegundir)	
2.2.12.1.	Lakkrísrot, innihaldsefni í jurtate	20 µg/kg
2.2.12.2.	Lakkrísútdráttur (42) til notkunar í matvæli, einkum drykkjarvörur og sætindi	80 µg/kg <sup>4</sup>

## 2. Eftirfarandi neðanmálgreini bætist við:

„(42) Hámarksgildi eiga við um hreinan og óþynntan útdrátt sem er unninn þannig að 1 kg af útdrætti fæst úr 3 til 4 kg af lakkrísrot.“

2. gr.

Hagsmunaaðilar skulu tilkynna framkvæmdastjórninni um niðurstöður rannsókna sem gerðar eru ásamt gögnum um tilvik

og þann árangur sem náðst hefur með tilliti til beitingar fyrirbyggjandi ráðstafana til að koma í veg fyrir mengun af völdum okratoxíns A.

Aðildarríkin skulu tilkynna framkvæmdastjórninni reglulega um tilvik þar sem okratoxín A finnst í kryddi.

Framkvæmdastjórnin mun gera þessar upplýsingar aðgengi- legar fyrir aðildarríkin áður en strangari hámarksgildi taka gildi með tilliti til mats á því hvort strangari gildi fyrir okratoxín A í kryddi náist á mismunandi framleiðslusvæðum í heiminum með því að beita góðum starfsvenjum.

3. gr.

Reglugerð þessi gildir ekki um vörur sem voru settar á markað fyrir 1. júlí 2010 í samræmi við þau ákvæði sem voru þá í gildi.

Hámarksgildin fyrir okratoxín A sem fastsett eru í lið 2.2.11 í viðaukanum, sem gilda frá og með 1. júlí 2012, gilda ekki um vörur sem voru settar á markað fyrir 1. júlí 2012 í samræmi við þau ákvæði sem voru þá í gildi.

Sönnunarbyrðin varðandi það hvenær vörurnar voru settar á markað hvílir á rekstraraðila viðkomandi matvælafyrirtækis.

4. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. júlí 2010.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 5. febrúar 2010.

Fyrir hönd framkvæmdastjórnarinnar,

José Manuel BARROSO

framkvæmdastjóri.